



Inatsisartunut ilaasortaq
Andreas Uldum (D)
/Maani

30. aug 2011
Sagsnr. 2011-054326
Dok. Nr. 713992

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

Asasara Andreas Uldum, una pillugu apeqqutinnut qjanaq:

”Inuinnarnut suliffeqarfinnullu ikiaroorartulerinermik arlaatigut peqataasut politiiinit pasitsaanneqarsimasunut, akileraarusiinermit tunngaviusut pillugit nakkutilliinermit kalaallit akileraartarnermit naalakkersuisuisa politillu suleqatigiinnerat pitsanngorsarnialugu periarfissaat suut – kiisalu akornutaasinnaasut suut – Naalakkersuisut takusinnaavaat?

AKISSUT: Pinerluttulerinermik suliamik misissuinermit atatillugu Kalaallit Nunaanni akileraartarnermit oqartussat paasissutissanik Politiinut tunniussinissaminnut periarfissaqarput. Politiilli kisimik taamatut misissuisinnaapput, taamaattumik paasissutissanik tunniussinissamik noqqaassuteqarneq taakkunangaanneertariaqassaaq. Akileraartarnikkut eqqortumik akileraarusiinissamut tunngavissinissaq siunertaralugu tamatuma kingorna pineqartumik kiisalu suliffeqarfinnut attuumassuteqartunut Akileraartarnermit Aqutsisoqarfik misissuisinnaavoq.

Akileraartarnermit Aqutsisoqarfik aamma Politiit attaveqaataat ullumikkut akuttunngitsumik ataatsimiittareerput, tassani ataatsimut soqutigisat suliniuteqarfiit oqallisigineqarlutillu ataqatigiissarneqarsinnaallutik. Akileraartarnermit Aqutsisisoqarfiup Akitsuuserisui Politiinik annertuumik ingerlalluartumillu suleqateqarput, siullertut taaneqartumit nioqqutissanik akitsuusersorneqartussanik unioqqutitsilluni eqqussuinermit misissuinermit atatillugu ikiaroorartunik, aanngajaarniutinik allanik, nakorsaatinik inertequtaasunik il.il. eqqussiniartoqartoq paasineqartillugu.

Taakku saniatigut Akileraartarnermit Aqutsisoqarfik aamma Danmarkimi SKAT-mik suleqateqarpoq. Aalborgimi Grønlandshavnimi usinik Kalaallit Nunaannukartussanik misissuinermit Skatteregion Nordjylland ikiuuppoq.

Suliniutit pitsanngorsarniarlugit periarfissaq tassaasinnaavoq misissuisarnerup tiguisartumiit nassiussisumut nuunneqarnera. Tamanna Kalaallit Nunaata aamma Danmarkip akornanni naalakkersuinikkut ingerlatsisuni isumaqatigiissuteqarnissamik pisariaqartitsivoq, qularnanngitsumillu taakkunani marlunni nutaanik inatsisiliortoqartariaqatoqassagunaruni. Kalaallit Nunaata soorunami misissuinermit aningaasartuuteqartussaassaaq.

Annissuinerup nalaani nakkutilliinerup isumalluutinik atuineq pitsaanerulersissinnaavaa, tassa nioqqutissat inuillu amerlanerpaartaat Aalborgimiit (umiarsuarmik) imaluunniit Københavnimiit (timmisartumik) aallaaveqarmata.

Periarfissaq alla tassaavoq akileraarusiinermit sulinerup annertusinera. Tamatumani aningaasatigut pinerluttuliorneq qulaajaaffigineqarsinnaassaaq, tassungalu ilanngullugu inatsisit naapertorlugit pissarsiarisimannngisaannik inuit isertitaat (amma pigisanik soorlu biilit, angallatit illullu taakku aningaasaliiffiginnaasimasat)

paasineqarsinnaallutik, taamatulli suliniutit arlaatigut sunniuteqassappata annertuumik "aaqqissuussinermik ineriartortitsinissamik" pisariaqartitsissaaq, taamaalilluni suliaqarfinniit assigiinngitsuniit (akileraartarnermiit, motorinik nalunaarsuisarfinniit aamma eqqartuussiviup illut pillugit nalunaarsuisarfianiit) paasissutissat ataatsimut ataqtigiissinneqarlutik.

Ikiaroorartunik niuernermit naleqqiullugu suliniutit annertunerulernerinut "akornutaasinnaasut", tamatumalu kingunerisaanik pinerluttuliornerit allat, taamaattumik Akileraar-tarnermit Aqutsisoqarfimmi siullermik isumalluutini pigineqartuniippoq (aningaasaqarnikkut, sulisoqarnikkut, annertussutsikkut kiisalu pitsaassutsikkut).

Immikkoortumut isumalluutini annertunerusunik immikkoortitsinissamut kissaateqarneq politikikkut aalajangiiffigisassaavoq, taamaattoqassappallu tamatumani Namminersorlutik Oqartussat pisussaaffii ingerlataalu allat pilliutigineqartariaqassallutik. Aningaasatigut sulisutigullu toqqammavigineqartut iluanni suliap tamatuma Akileraartarnermit Aqutsisoqarfimmit salliutinneqarnissaa kissaatigineqarpat peqatigisaanik immikkoortut allat suut salliutinneqannginnissaat isummerfigisariaqarpoq.

Aallarniutigalugu soorlu oqaatigineqartoq ikiaroorartunut attuumassuteqartunik pinerluttulerinermi misissuinerit Politiinit isumagineqarput. Politiit suliaanut allanut naleqqiullugu suliap tamatuma qanoq salliutinneqartiginera Naalakkersuisunit oqaaseqarfigineqarsinnaanngilaq.

Neriuppunga apeqqutit naammattumik akissuteqarfigalugu.

Inussiarnersumik inuulluaqqusillunga

Maliina Abelsen